

四庫全書

子部

欽定四庫全書

子部
冊府元龜卷七十一
三

詳校官中書臣瞿照

員外郎臣牛稔文覆勘

總校官庶吉士臣何思鈞

校對官中書臣徐步雲

謄錄監生臣郭洽怡

欽定四庫全書

冊府元龜卷七十一

宋 王欽若等 撰

帝王部

命相

天生蒸民樹之以君而司牧之必選賢舉能而為之輔
弼故天有三台之象易有鼎足之義所以佐天子理陰
陽親萬民也武丁命傅說則曰朝夕納誨以輔台德穆
王命君牙亦曰今命爾予翼作股肱心膂此古先哲王

命相之旨也昔者黃帝得六相而天地理神明和虞舜亦舉八元八愷而百揆時序內成外平自時厥後或非其人而望興化若緣木求魚登山採珠不可得也故歷代以還寅亮天工登翼王室者不亦重乎

黃帝得蚩尤而明乎天道得太常而察乎地利得蒼龍而辨乎東方得祝融而辨乎南方得風后而辨乎西方得后土而辨乎北方得六相而天地治神明至

一云置左右太

監監于

萬國

虞舜即天子位曰咨四岳有能奮庸熙帝之載

奮起庸功載事

也訪羣臣有能起發其功廣堯之事者言舜曰以別堯

使宅百揆亮采惠疇

亮信惠順

也求其人使居百揆之官信立其功順其事者誰乎

僉曰伯禹作司空

四岳同辭而對禹代

絲為崇伯入為天子司空治洪水有成功言可用之

帝曰俞咨禹汝平水土惟時

懋哉

然其所舉稱禹前功以命之懋勉也惟居是百揆勉行之

禹拜稽首讓於稷契

暨臯陶

居稷官者棄也契臯陶二臣名稽首首至地

帝曰俞汝往哉

然其所推之賢

不許其讓勅使住宅百揆

帝曰棄黎民阻饑汝后稷播時百穀

阻難播布

也衆人之難在於饑汝后稷布種是百穀以濟之美其前功以勉之

帝曰契百姓不親五

品不遜

五品謂五常遜順也

汝作司徒敬敷五教在寬

布五常之教務在寬

所以得人心亦美其前功

帝曰臯陶蠻夷猾夏寇賊奸宄

猾亂也夏華夏羣行

攻劫曰寇殺人曰賊在外曰奸在內曰宄言無教之致

汝作士五刑有服

士理官也五刑

墨劓剕宮大辟服從

五服三就

既從五刑謂服罪也行刑當就三處大罪于原

野大夫于朝士于市

五流有宅五宅三居

謂不加刑則流放之若四凶者五刑之流各有

所居五居之差又有三等之居大罪四裔次九州之外次千里之外

惟明克允

言臯陶能明信五刑

施之遠近蠻夷猾夏使咸信服無敢犯者因禹讓三臣故歷述之

帝曰疇若予工僉

曰垂哉

問誰能順我百工事者朝臣舉垂垂臣名

帝曰俞咨垂汝共工垂

拜稽首讓於爰斯暨伯與帝曰俞往哉汝諧汝能諧帝和此官

曰疇若予上下草木鳥獸僉曰益哉上謂山也下謂澤也順謂

施其政教取之有時用之有節伯益能之帝曰俞咨益汝作朕虞虞掌山澤之官益

拜稽首讓於朱虎熊羆帝曰俞往哉汝諧朱虎熊羆二臣垂益所讓

四人皆在元愷之中帝曰咨四岳有能典朕三禮僉曰伯夷三禮天地

人之禮伯夷臣名姜姓帝曰俞咨伯汝作秩宗秩序宗尊也主郊廟之官夙

夜惟寅直哉惟清夙早也言早夜敬思其職典禮施政教使正直而清明伯拜稽

首讓於夔龍夔龍二臣名帝曰俞往欽哉然其賢不許讓帝曰夔命

汝典樂教胄子

胄長也謂元子以下至卿大夫子弟以歌詩蹈之舞之教長國子中和祇庸孝

友直而溫寬而栗

教之正直而溫和寬弘而能莊栗

剛而無虐簡而無

傲

剛失入虐簡失入傲教之以防其失

詩言志歌永言

謂詩言志以導之歌其意以長其言

聲依永律和聲

聲謂五聲宮商角徵羽律謂六律六呂十二月之音氣言當依聲律以和樂

八音克諧無相奪倫神人以和

倫理也八音能諧理不錯奪則神人咸和命夔

使勉

夔曰於予擊石拊石百獸率舞

石磬也磬音之清者拊亦擊也舉清

者和則其餘皆從矣樂感百獸使相率而舞則神人和可知

帝曰龍朕聖讒說殄行

震驚朕師

聖疾殄絕震動也言我疾讒說絕命汝作納

命汝作納

言夙夜出納朕命惟允

納言喉舌之官聽下言納于上受上言宣于下必以信

夏禹既立舉皋陶且授政焉皋陶卒舉益任之政

殷湯初為諸侯舉伊尹作咸有一德

一云仲虺為湯左相

太戊立伊陟為相

伊陟尹之子

高宗武丁即位思復興殷而未得其佐三年不言政事

決定於冢宰

冢宰天官卿貳王事者

以觀國風夜夢得說

夢得賢相其名

曰使百工營求諸野得諸傅巖

使百官以所夢之形象經營求之于外野得之

于傅巖

作說命

命說為相使攝政

曰王宅憂亮陰三祀

陰默也居憂信

默三年不言

既免喪其惟弗言

除喪猶不言政

羣臣咸諫于王曰嗚呼

知之曰明哲明哲實作則

知事則為明智則能制作法則

天子惟君

萬邦百官承式

天下待令百官仰法

王言惟作命不言臣下罔攸

稟令

稟受令亦命也

王庸作書以誥曰以台正於四方台恐德

弗類茲故弗言

用臣下怪之故作語類善也我止四方恐德不善此故不言

恭默思

道夢帝賚予良弼其代予言

夢天與我輔弼良佐將代我言政教

乃審厥

象俾以形旁求於天下

審所夢之人刻其形象以四方旁求之于民間

說築傅

巖之野惟肖

傅氏之岩在虞虢之界通道所經有澗水壞道嘗使胥靡刑人築護此道說賢而隱

代胥靡築之以供
食肖似所夢之形
爰立作相王置諸其左右
于是相使

右在左命之曰朝夕納誨以輔台德
言當納諫誨直若金

用汝作礪
鐵須礪以成利器若濟巨川用汝作舟楫
渡大水待舟楫若

歲大旱用汝作霖雨
霖三日雨霖以救旱啓乃心沃朕心若藥弗

瞑眩厥疾弗瘳
開汝心以沃我心如服藥必瞑眩極其病乃除欲其出切言以自警若跣

弗視地厥足用傷
跣必視地足乃無傷言欲使為已視耳惟暨乃僚罔不

同心以匡乃辟
與汝並官皆當倡率無不同心以匡正汝君俾率先王迪我

高后以康兆民
言匡正汝君使修先王之鳴呼欽予時

命其惟有終

敬我足命修其職使有終

說復于王曰惟木從繩則正

后從諫則聖

言木以繩直君以諫明

后克聖臣不命其承

君能受諫則臣

不待命其承意而誅之

疇敢不祇若王之休命

史記曰武丁夜夢得聖人名曰說以

所見視羣臣百吏皆非也于是乃使百工營求之野得于傅險中是時說為胥靡築于傅險見于武丁武丁曰是也得而與之語果聖人舉以為相殷國大治故遂以傅險姓之號曰傅說應邵註漢書云胥相也靡隨也言相隨坐刑也

周武王即位太公望為師周公旦為輔召公畢公之徒

左右王師修文王之緒業

康王為太子成王懼太子之不任乃命召公畢公率諸侯以相太子而立之

穆王命君牙為大司徒

穆王康王孫昭王子

作君牙

君牙臣名

王若曰

嗚呼君牙

順其事而嘆稱其名而命之

惟乃祖乃父世篤忠貞服勞

王家厥有成績紀於太常

言汝父祖世厚忠貞服事勤勞王家其有成功見記錄書

于王之太常以表顯之王之旌旗畫日月曰太常

惟予小子嗣守文武成康遺緒

亦惟先王之臣克左右亂四方

惟我小子繼守先王遺業亦惟父祖之臣能佐

助我治四方言已無所能

心之憂危若蹈虎尾涉于春冰

言祖業之大已才之

弱故心懷危懼虎尾畏

今命爾子翼作股肱心膂今命

我輔翼股肱心膂今命乃舊服無忝祖考弘敷五典式和民

則繼汝先祖故所服忠勤無辱累祖考之爾身克正罔

敢弗正民心罔中惟爾之中若汝身能正則下無敢不

當正身示民以中正夏暑雨小民惟曰怨咨冬祁寒小民亦惟曰

怨咨夏暑冬寒亦天之常道民猶怨嗟厥惟艱哉思其艱以圖其易民

乃寧天不可怨民猶嗟怨治民其惟難嗚呼丕顯哉文

王謨數文王所謀大顯明丕承哉武王烈言武王業美佑啓我後

人咸以正罔缺

文武之謀業大明可承奉開助我後嗣皆以正道無邪缺

爾惟敬明

乃訓用奉若于先王

汝惟當敬明汝五教用奉順于先王之道

對揚文武之

光命追配於前人

言當答揚文武光明之命君臣各追配于前令名之人

王若曰

君牙乃惟由先正舊典時式民之治亂在茲

汝惟當奉用先正之

臣所行故事舊典文籍是法民之治亂在此而已用之則民治廢之則民亂

率乃祖考之攸

行昭乃辟之有乂

言當循汝父祖之所行明汝君之有治功

漢高祖初為漢王以沛相蕭何為丞相周勃為御史大

夫守滎陽

二年以大將軍韓信為左丞相與曹參灌嬰擊魏

四年拜中尉周昌為御史大夫後昌為趙相既行久之

高祖持御史大夫印弄之曰誰可以為御史大夫者孰視

趙堯曰無以易堯

易代也

遂拜堯為御史大夫

五年將軍盧綰為太尉

九月為燕王

十年高祖自將討陳豨

音許衣反

于代舞陽侯樊噲以功遷

左丞相

十一年淮陰侯韓信謀反關中吕后用丞相蕭何計誅

信高祖在邯鄲聞之使使拜丞相為相國絳侯周勃為
太尉

惠帝二年七月相國蕭何薨以齊相曹參為相國初何
病帝親自臨視何病因問曰百歲後誰可代君對曰知

臣莫若主帝曰曹參何如須臾曰帝得之矣何死不恨

矣及何薨參聞之告舍人趣治行

舍人私屬官主家事者趣音促速也治行

謂修治行裝也

吾且入相居無何使者果召參

六年十月以安國侯王陵為右丞相曲逆侯陳平為左

丞相

文帝元年以太尉勃為右丞相位第一左丞相平為丞

相位第二

秦漢以前尊右而卑左

以丞相灌嬰為太尉初勃親以

兵征呂氏功多平欲讓勃廼謝病帝怪問之平曰高帝時勃功不如臣今誅諸呂臣功亦不如勃願以相讓勃帝從之勃自知其能弗如平廼謝免相而平顯為丞相

顯與專同

三年十月平薨帝復用勃為相

三年十二月丞相勃就國以太尉潁陰侯灌嬰為丞相
罷太尉官屬丞相

四年十二月丞相嬰薨以御史大夫張蒼為相初蒼代

平陽侯曹窋

音竹
律切

為御史大夫窋代廣阿侯任敖敖代

江邑侯趙堯

任敖張蒼曹窋為御史大夫皆呂后稱制附于此篇

七年以典客馮敬為御史大夫

十六年以淮揚守申屠嘉為御史大夫

後元二年八月丞相蒼免帝以皇后弟竇廣國有賢行

欲相之曰恐天下以吾私廣國久念不可而高帝時大

臣餘見無可者

見謂見在之人

乃以御史大夫申屠嘉為丞相

因故邑封為故安侯是月以開封侯陶青為御史大夫

景帝二年六月丞相嘉薨八月以御史大夫陶青為丞

相左內史晁錯為御史大夫

七年六月丞相青免太尉周亞夫為丞相太僕劉舍為

御史大夫

中元三年九月丞相亞夫免御史大夫劉舍為丞相太

子太傅衛綰為御史大夫

後元元年七月丞相舍免八月御史大夫衛綰為丞

相衛尉直不疑為御史大夫

三年死

武帝建元元年六月丞相綰免魏其侯竇嬰為丞相
齊相牛抵為御史大夫

二年十月丞相嬰免三年太常許昌為丞相

四年武強侯莊青翟為御史大夫

三年免

六年六月丞相昌免武安侯田蚡為丞相大農令韓

安國為御史大夫

四年病死

元光元年三月丞相蚡薨五月平棘侯薛澤為丞相

中尉張毆為御史大夫

五年病死

元朔三年左內史公孫弘為御史大夫

五年十一月丞相澤免御史大夫公孫弘為丞相四

月河東太守九江番係為御史大夫

元狩元年樂安侯李蔡為御史大夫

三年二月丞相弘薨御史大夫李蔡為丞相廷尉張

湯為御史大夫

六年有罪自殺

五年三月丞相蔡有罪自殺四月太子少傅莊青翟

為丞相

元鼎元年二月丞相青翟有罪自殺太子太傅趙周

為丞相太子太傅石慶為御史大夫

五年九月丞相周下獄死御史大夫石慶為丞相

六年齊相卜式為御史大夫

一年貶為太子太傅

元封元年左內史倪寬為御史大夫

八年卒

太初二年正月丞相石慶堯閏月太僕公孫賀為丞相

六年正月膠東太守延廣為御史大夫

天漢元年濟南太守瑯琊王卿為御史大夫

二年有罪自殺

二年二月執金吾杜周為御史大夫

四年辛

征和二年四月丞相賀下獄死五月涿郡太守劉屈

釐為左丞相

九月大鴻臚商五成為御史大夫

四年坐祝詛自殺

三年六月丞相屈釐下獄死

四年六月大鴻臚田千秋為丞相

後元元年二月搜粟都尉桑弘羊為御史大夫

七年坐謀

反誅

昭帝元鳳元年右扶風王訢為御史大夫

四年正月丞相千秋薨二月御史大夫王訢為丞相
大司農楊敞為御史大夫

五年十二月丞相訢薨六年十一月御史大夫楊敞

為丞相少府蔡義為御史大夫

元平元年八月丞相敞薨九月御史大夫蔡義為丞相
宣帝本始三年六月丞相義薨長信少府韋賢為丞
相大司農魏相為御史大夫

地節三年五月丞相賢免六月御史大夫魏相為丞
相太子太傅丙吉為御史大夫

神爵三年三月丞相魏相薨御史大夫丙吉為丞相
七月大鴻臚蕭望之為御史大夫

三年貶為
太子太傅

五鳳元年八月太子太傅黃霸為御史大夫

三年正月丞相吉薨二月御史大夫黃霸為丞相六月

西河太守杜延年為御史大夫

三年以病免

甘露二年五月廷尉于定國為御史大夫

三年三月丞相霸薨五月御史大夫于定國為丞相太

僕陳萬年為御史大夫

七年卒

元帝初元五年六月長信少府貢禹為御史大夫十二

月禹卒長信少府薛廣德為御史大夫

一年免

永光元年七月太子太傅韋玄成為御史大夫十一月
丞相定國免

二年三月以玄成為丞相右扶風鄭弘為御史大夫
五年

有罪
自殺

建昭二年光祿勳衡

姓犯太祖廟諱上字下同

為御史大夫初衡為

少傅數年數上疏陳便宜及朝廷有政義傳經以對

傳讀

曰附附
依也

言多法義以為任公卿

任堪也

繇是為光祿勳御

史大夫

三年六月丞相玄成薨七月御史大夫衡為丞相衛尉

李延壽為御史大夫

三年卒
一作繁

竟寧元年七月太子太傅張譚為御史大夫

三年坐選
舉不實免

成帝建始三年十月光祿大夫尹忠為御史大夫

一年
坐河

決自
殺

十二月丞相衡免

四年三月右將軍王商為丞相

十一月少府張忠為御史大夫

六年
卒

河平四年丞相商免六月光祿大夫張禹為丞相

陽朔二年四月侍中太僕王音為御史大夫

一年

鴻嘉元年正月少府薛宣為御史大夫三月丞相禹免

四月以薛宣為丞相京兆尹王駿為御史大夫

五年

初

駿為少府帝欲大用之出駿為京尹試以政事而薛宣

從左馮翊代駿為少府會御史大夫杜欽谷永奏言聖

王不以名譽加於實效

言不聽
虛名

考績用人之法

言用人
之法皆

須考以
功績

薛宣政事已試上然其議宣為少府月餘遂超

御史大夫至丞相駿乃代宣為御史大夫

永始二年三月京兆尹翟方進為御史大夫

十月丞相宣免十一月執金吾翟方進為丞相是歲方

進為御史大夫坐為京兆尹時奉喪事煩擾百姓左遷

執金吾二十餘日丞相官缺羣臣舉方進帝亦器其能

擢方進為丞相封高陵侯食邑千戶是月以光祿勳孔

光為御史大夫

七年貶
為廷尉

綏和元年三月廷尉何武為御史大夫四月更為大司

空

一年免

大司馬驃騎將軍根更為大司馬罷將軍官七月

免

十一月光祿大夫王莽為大司馬

二年三月丞相方進薨召左將軍光當拜已刻侯印書

贊

贊進也延進而拜之書贊者言贊辭于策也

上暴崩即其夜於大行前拜

授丞相博山侯印綬

十一月大司馬王莽免大將軍師丹為大司馬徙為大

司空

一年免

哀帝建平元年四月侍中傅喜為大司馬十月京兆尹朱博為大司空

二年三月傅喜免四月甲午大司馬朱博復為御史大夫乙未丞相孔光免復以博為丞相中尉趙玄為御史大夫五月玄下獄論八月博有罪自殺九月光祿勳平當為御史大夫十二月當為丞相京兆尹王嘉為御史大夫初平當為光祿大夫諸吏散騎復為光祿勳御史大夫至丞相以冬月賜爵關內侯明年春帝使使者召

欲封當

以冬月非侯時故且先賜爵闕內侯也

而當薨

三年四月御史大夫王嘉為丞相河南太守崇為御史

大夫

九月

四年三月光祿勳賈延為御史大夫

一年

元壽元年三月丞相嘉下獄死五月光祿大夫孔光為

御史大夫七月以光為丞相汜鄉侯何武為御史大夫

二月八月光祿大夫彭宣為御史大夫

三年更名丞相孔光為大司徒大司馬衛將軍董賢為

大司馬

六月免
自殺

御史大夫彭宣為大司空

三月免

平帝元始元年六月大司徒孔光為太傅右將軍馬宮
為大司徒新都侯王莽為大司馬八月右將軍王崇為
大司空

二年太傅孔光為太師大司馬王莽為太傅驃騎將軍
王舜為太保二月少府甄豐為大司空

五年四月大司徒宮為大司馬十二月長樂少府平晏
為大司徒

東漢光武建武元年七月辛未使使者持節拜前將軍
鄧禹為大司徒策曰制詔前將軍禹深執忠孝與朕謀
謨帷幄決勝千里孔子曰自吾有回門人日親斬將破
軍平定山西功效尤著百姓不親五品不遜汝作司徒
敬敷五教在寬今遣奉車都尉授印綬封為鄴侯食邑

萬戶敬之

禹時年
二十四

丁丑以野王令王梁為大司空初議選大司馬而赤伏
符曰王梁主衛作玄武帝以野王衛之所徙

史記衛元
君自濮陽

徙于野王 玄武水神之名司空水土之官也於是擢拜

八月甲申詔曰前密令卓茂束身自修執節淳固誠能為人所不能為夫名冠天下當受天下重賞故武王誅紂封比干之墓表商容之間今以卓為大傅封褒德侯邑二千戶

東觀記及續漢書皆作宣德侯

初帝即位先求訪茂茂詣河陽謁見乃拜

二年二月乙酉大司空王梁免壬子以大中大夫宋弘為大司空封桐邑侯

三年閏正月乙巳大司徒鄧禹免三月壬寅以大司徒
司直伏湛為司徒初帝即位素知湛名儒舊臣欲令幹
任內職徵拜尚書使典定舊制時大司徒鄧禹西征關
中帝以湛才任宰相拜為司直行大司徒事車駕每出
征伐嘗留鎮守總攝羣司及鄧禹免乃拜大司徒

五年十一月壬寅大司徒伏湛免尚書令侯霸為大司
徒封關內侯

六年十二月壬辰大司空宋弘免

七年五月戊戌前將軍李通為大司空時光武方以吏事責三公故功臣竝不用是時列侯唯高密鄧禹膠東賈復及通三侯與公卿參議國家之事

十二年九月大司空李通罷十二月辛卯揚武將軍馬成行大司空事

十三年正月庚申大司徒侯霸薨三月辛未沛郡太守韓歆為大司徒丙子行大司空事馬成罷四月甲寅冀州牧竇融為大司空

十五年正月辛丑大司徒韓歆免自殺丁未汝南太守歐陽歆為大司徒十一月歆下獄死十二月庚午關內侯戴涉為大司徒

二十年四月庚辰大司徒戴涉下獄死大司空竇融免六月庚寅廣漢太守蔡茂為大司徒太僕朱浮為大司空

二十二年十月壬子大司空朱浮免癸丑以光祿勳杜林為大司空

二十三年五月丁卯大司徒蔡茂薨八月丙戌大司空
杜林薨九月辛未陳留太守玉况玉音為大司徒十月
丙申太僕張純為大司空

二十七年四月戊午大司徒玉况薨

五月丁丑詔大司徒司空府竝去大字改大司馬為太
尉以太僕趙熹為太尉大司農馮勤為司徒

中元元年三月戊辰司空張純薨六月辛卯太僕馮魴
為司空乙未司徒馮勤薨十月辛未司隸校尉李訢為

司徒

明帝即位初詔曰方今上無天子下無方伯若涉澗水而無舟楫夫萬乘至重而壯者慮輕實賴有德左右小子高密侯禹元功之首東平王蒼寬博有謀並可以受六尺之託臨大節而不可撓其以禹為太傅蒼為驃騎將軍

永平三年二月甲寅太尉趙熹司徒李訢免丙辰左馮翊郭丹為司徒己未南陽太守虞延為太尉

四年十月乙卯司徒郭丹司空馮魴免丙辰河南尹范滂
為司徒太僕伏恭為司空時帝臨幸辟雍於行禮中拜恭
儒者以為榮

八年正月乙卯司徒范滂薨三月辛卯太尉虞延為司徒
衛尉趙熹行太尉事

十二年七月乙亥司空伏恭罷乙未大司農牟融為司空
十四年三月甲戌司徒虞延免四月丁巳鉅鹿太守邢穆
為司徒

十六年五月癸丑司徒邢穆坐事下獄死六月丙寅大司農王敏為司徒

十七年二月乙巳司徒王敏薨三月癸丑汝南太守鮑昱為司徒

章帝即位初詔曰朕以眇身託於王侯之上統理萬幾懼失厥中兢兢業業未知所濟深唯守文之主必建師傅之官詩不云乎不愆不忘率由舊章行太尉事節鄉侯趙憙三世在位為國元老司空牟融典職六年勤勞不怠其以憙

為太傅融為太尉並錄尚書事

武帝初以張子孺領尚書事錄尚書事由此始以

蜀郡太守第五倫為司空

建初四年二月庚寅太尉牟融薨五月甲戌司徒鮑昱為太尉南陽太守桓虞為司徒

六年六月丙辰太尉鮑昱薨七月癸巳大司農鄧彪為太尉

元和元年八月甲子太尉鄧彪罷大司農鄭弘為太尉三年四月太尉鄭弘免大司農宋繇為太尉

五月丙子司空第五倫罷太僕袁安為司空

章和元年六月戊辰司徒桓虞免癸卯司空袁安為司徒
光祿勳任隗為司空

和帝即位初以故太尉鄧彪為太傅錄尚書事

永元四年三月癸丑司徒袁安薨閏月丁丑太常丁鴻為
司徒七月己丑太尉宋繇坐黨竇憲自殺八月辛亥司空
任隗薨癸丑大司農尹睦為太尉錄尚書事十月宗正劉
方為司空

五年十月辛未太尉尹睦薨十一月乙丑太僕張酺為太尉

六年正月己卯司徒丁鴻薨二月丁未司空劉方為司徒太常張奮為司空

九年九月庚申司徒劉方策免十一月癸丑光祿勳呂蓋為司徒十二月丙寅司空張奮罷壬申太僕韓稜為司空十年七月己巳司空韓稜薨八月丙子太山巢堪為司空

十二年九月戊午太尉張酺免丙寅大司農張禹為太尉

十三年十一月戊辰司徒呂蓋罷十二月丁丑光祿勳魯恭為司徒

十四年十月丁酉司空巢堪罷十一月癸卯大司農徐防為司空

十六年七月辛酉司徒魯恭免庚午光祿勳張酺為司徒八月己酉酺薨十月辛卯司空徐防為司徒陳寵為

司空

殤帝延平元年正月辛卯太尉張禹為太傅徐防為太尉參錄尚書事百官總已以聽

四月丙寅司空陳寵薨六月丁未太常尹勤為司空

安帝永初元年五月甲戌長樂衛尉魯恭為司徒

九月庚午太尉徐防免辛未司空尹勤免庚寅太傅張禹為太尉太常周章為司空十一月丁未章謀廢立策免自殺十二月乙卯潁州太守張敏為司空

三年三月壬寅司徒魯恭免四月丙寅大鴻臚夏勤為
司徒

五年正月己丑太尉張禹免甲申光祿勳李修為太尉

六年四月乙丑司空張敏罷己卯太常劉愷為司空

元初元年九月乙丑太尉李修罷辛未大司農司馬苞
為太尉

二年六月丙戌太尉司馬苞薨七月辛巳太僕馬英為
太尉十二月己酉司徒夏勤罷庚戌司空劉愷為司徒

光祿勳袁敞為司空

四年四月戊申司空袁敞薨五月丁丑太常李郃為司空

永寧元年十月司空李郃免癸酉衛尉陳褒為司空

十二月戊辰司徒劉愷罷癸酉太常楊震為司徒

建光元年七月壬寅太尉馬英薨甲子前司徒劉愷為太尉

延光元年四月癸巳司空陳褒免五月庚戌宗正劉授

為司空

二年十月辛未太尉劉愷罷甲戌司徒楊震為太尉光祿勳劉熹為司徒

四年三月乙酉北鄉侯即位四月丁酉太尉馮石為太傅司徒劉熹為太尉參錄尚書事前司空李郃為司徒順帝即位初司空劉授免少府陶敦為司空

永建元年正月辛巳太傅馮石太尉劉熹司徒李郃免三月丙戌太常桓焉為太傅大鴻臚朱寵為太尉參

錄尚書事長樂少府朱偃為司徒

十月丁亥司空陶敦免壬寅廷尉張皓為司空

二年七月壬午太尉朱寵司徒朱偃罷庚子太常劉光為太尉錄尚書事光祿勳許敬為司徒

四年八月丁巳太尉劉光司空張皓免九月癸酉大鴻臚龐參為太尉時尚書僕射虞詡薦參有宰相器能故帝用之又以太常王龔為司空

十一月庚辰司徒許敬免十二月乙卯宗正劉琦為司

徒

陽嘉二年五月戊午司空王龔免六月辛未太常孔扶
為司空七月己未太尉龐參免八月己巳大鴻臚施延
為太尉

三年十一月司徒劉琦司空孔扶免大司農黃尚為司
徒光祿勳王卓為司空

四年四月太尉施延免前太尉龐參為太尉

永和元年十一月丙子太尉龐參罷十二月乙巳前司

徒王龔為太尉

二年三月乙卯司空王卓薨丁丑光祿勳郭虔為司空
三年八月己未司徒黃尚免九月己酉光祿勳劉壽為
司徒

五年九月辛未太尉王龔罷壬午太常桓焉為太尉
六年三月庚子司空郭虔免丙午太僕趙戒為司空

漢安元年十月辛未太尉桓焉司徒劉壽免十一月
壬午司隸校尉趙峻為太尉大司農胡廣為司徒

冲帝永嘉元年即位初以太尉趙峻為太傅大司農李固為太尉參錄尚書事

質帝本初元年閏六月丁亥太尉李固免戊子司徒胡廣為太尉司空趙戒為司徒與大將軍梁冀錄尚書事太僕袁湯為司空

桓帝建和元年六月太尉胡廣罷大司農杜喬為太尉九月喬免十月司徒趙戒為太尉司空袁湯為司徒前太尉胡廣為司空

三年十月太尉趙戒免司徒袁湯為太尉大司農張歆為司徒
元嘉元年四月司徒張歆罷光祿勳吳雄為司徒

十月司空胡廣罷閏十一月太常黃瓊為司空

二年十一月司空黃瓊免十二月特進趙戒為司空

永興元年十月太尉袁湯免司徒吳雄罷司空趙戒免以

太常胡廣為太尉太僕黃瓊為司徒光祿勳房植為司空

二年九月太尉胡廣免司徒黃瓊為太尉閏月光祿勳尹

頌為司徒

永壽元年六月司空房植免太常韓續

音冀善反

為司空

三年十一月司徒尹頌薨司空韓續為司徒太常孫朗為司空
延熹元年七月甲子太尉黃瓊免太常胡廣為太尉

二年八月丁丑太尉胡廣坐梁冀免司徒韓續司空孫朗
下獄以司農黃瓊為太尉光祿大夫祝恬為司徒大鴻臚
盛允為司空

三年六月司徒祝恬薨以司空盛允為司徒太常虞放為
司空

四年二月司徒盛允免大司農种嵩為司徒

三年二月太尉黃瓊免四月太常劉矩為太尉

六月司空虞放免前太尉黃瓊為司空九月瓊免大鴻臚劉寵為司空

五年十一月太尉劉矩免太守楊秉為太尉

六年二月戊午司徒种嵩免三月衛尉許栩為司徒

十一月司空劉寵免十二月衛尉周景為司空

八年五月丙戌太尉楊秉薨七月大中大夫陳蕃為太

尉

十月司空周景免太常劉茂為司空

九年四月司徒許栩免五月太常胡廣為司徒

七月太尉陳蕃免九月光祿勳周景為太尉司空劉茂免十二月光祿勳宣鄴為司空

靈帝建寧元年正月即位以前太尉陳蕃為太傅與竇武及司徒胡廣參錄尚書事

四月戊辰太尉周景薨司空宣鄴免以長樂衛尉王暢

為司空

五月以太中大夫劉矩為太尉

八月司空王暢免宗正劉寵為司空

九月丁亥太傅陳蕃誅司徒胡廣為太傅錄尚書事司空劉寵為司徒大鴻臚許栩為司空

十一月太尉劉矩免太僕間人襲為太尉

熹平三年十二月司空唐珍罷長樂少府許訓為司空五年五月太尉陳耽罷司空許訓為太尉六月太常劉

逸為司空

七月太尉許訓罷光祿勳劉寬為太尉

十月司徒袁隗罷十一月光祿大夫楊賜為司徒

六年七月司空劉逸免衛尉陳球為司空

十月太尉劉寬免

十一月司空陳球免十二月太常孟軻音乙六反為太尉太

常陳耽為司空司徒楊賜免

光和元年正月太尉孟軻罷二月光祿勳袁滂為司徒

三月太常張顥為太尉

四月司空陳耽免太常來豔為司空

九月太尉張顥罷太常陳球為太尉司空來豔薨十月
屯騎校尉袁逢為司空

十一月太尉陳球免十二月光祿大夫橋玄為太尉

二年二月司徒袁滂免大鴻臚劉卬為司徒太尉橋玄
罷大中大夫段熲為太尉司空袁逢罷太常張濟為司

空

四月太尉段熲下獄死五月衛尉劉寬為太尉十月司徒劉郃下獄死十二月光祿勳楊賜為司徒

四年九月太尉劉寬免衛尉許馡為太尉

閏月司徒楊賜罷十月太常陳耽為司徒

五年三月司徒陳耽免四月太常袁隗為司徒

十月太尉許馡罷太常楊賜為太尉

中平元年四月太尉楊賜免太僕鄧盛為太尉司空張濟罷大司農張溫為司空

二年二月司徒袁隗免三月廷尉崔烈為司徒

五月太尉鄧盛免太僕張延為太尉

八月司空張溫為車騎將軍討北宮伯玉

九月特進楊賜為司空十月賜薨光祿大夫許相為司空

三年二月太尉張延罷車騎將軍張溫為太尉

四年四月太尉張溫免司徒崔烈為太尉

五月司空許相為司徒光祿勳丁宮為司空

十一月太尉崔烈罷大司農曹嵩為太尉

五年四月曹嵩罷五月永樂少府樊陵為太尉六月陵罷七月射聲校尉馬日磾為太尉

八月司徒許相罷司空丁宮為司徒光祿勳劉弘為司空

六年四月太尉馬日磾免幽州牧劉虞為太尉

弘農王光熹元年四月即位以後將軍袁隗為太傅何進參錄尚書事七月司徒丁宮罷八月司空劉弘免

獻帝永漢元年九月即位以太尉劉虞為大司馬董卓
自為太尉大中大夫楊彪為司空豫州牧黃琬為司徒
十一月董卓為相國

十二月司徒黃琬為太尉司空楊彪為司徒光祿勳荀
爽為司空

初平元年二月太尉黃琬司徒楊彪免光祿勳趙謙為
太尉太僕王允為司徒

三月董卓殺太傅袁隗

五月司空荀爽薨六月光祿大夫种拂為司空

二年二月董卓自為太師

七月司空种拂免光祿大夫淳于嘉為司空太尉趙謙
罷太常馬日磾為太尉

三年四月誅董卓以司徒王允錄尚書事總朝政

六月李傕殺司徒王允以前將軍趙謙為司徒

七月太尉馬日磾為太傅錄尚書事車騎將軍皇甫嵩
為太尉司徒趙謙罷九月司空淳于嘉為司徒光祿大

夫楊彪為司空並錄尚書事

十二月太尉皇甫嵩免光祿大夫周忠為太尉參錄尚

書事

四年六月太尉周忠免太僕朱雋為太尉錄尚書事

十月司空楊彪免太常趙溫為司空十二月溫免衛尉
張喜為司空

興平元年七月太尉朱雋免太常楊彪為太尉錄尚書

事

九月司徒淳于嘉罷十月衛尉趙溫為司徒錄尚書事
建安元年八月鎮東將軍曹操自領司隸校尉錄尚書
事

九月太尉楊彪司空張喜罷

十一月曹操自為司空行車騎將軍事百官總已以聽
十三年正月司徒趙溫免

六月罷三公官置丞相御史大夫以司空曹操為丞相
八月光祿勳却慮為御史大夫

二十五年正月丞相魏王曹操薨子丕襲位

魏文帝初為魏王延康元年二月以太中大夫賈詡為太尉御史大夫華歆為相國大理王朗為御史大夫

黃初元年十一月受禪改相國為司徒御史大夫為司空

四年六月甲申太尉賈詡薨八月丁卯廷尉鍾繇為太尉繇與司徒華歆司空王朗並先世名臣文帝罷朝謂左右曰此三公者乃一代之偉人也後世殆難繼矣

明帝即位初以太尉鍾繇為太傅征東大將軍曹休為
大司馬華歆為太尉司空王朗為司徒鎮東大將軍陳
羣為司空

太和二年九月大司馬曹休薨

十一月司徒王朗薨

四年二月以大將軍曹真為大司馬

四月太傅鍾繇薨

五年正月大司馬曹真薨

十二月太尉華歆薨

六年七月衛尉董昭為司徒

青龍三年正月戊子以大將軍司馬懿為太尉

四年五月司徒董昭薨

十二月司空陳羣薨

景初元年六月己亥以尚書令陳矯為司徒尚書左僕射衛臻為司空七月司徒陳矯薨

二年二月癸卯詔曰大中大夫韓暨澡身浴德志節高

潔年踰八十守道彌固可謂純篤老而益劭者也其以
暨為司徒四月庚子暨薨十一月壬午以司空衛臻為
司徒司隸校尉崔林為司空

齊王即位以太尉司馬懿為太傅輔政詔曰太尉體道
正直盡忠三世南擒孟達西破蜀虜東滅公孫淵功蓋
海內昔周成建保傅之官近漢顯宗崇寵鄧禹所以優
隆雋又必有尊也其以太尉為太傅持節統兵都督諸
軍事如故又以征東將軍滿寵為太尉

正始三年太尉滿寵薨七月以領軍將軍蔣濟為太尉
五年十二月崔林薨

六年二月丙子以驃騎將軍趙儼為司空六月儼薨
八月丁卯以太尉高柔為司空

九年三月甲午司徒衛臻遜位四月以司空高柔為司
徒光祿大夫徐邈為司空邈固辭不受九月以車騎將
軍王凌為司空

嘉平元年正月丁未以太傅司馬懿為丞相固讓乃止

四月太尉蔣濟薨十二月以司空王凌為太尉司隸校尉孫禮為司空

二年十一月司空孫禮薨

三年三月以尚書令司馬孚為司空五月太尉王凌謀廢立自殺七月以司空司馬孚為太尉太傅司馬懿薨以衛將軍司馬師為撫軍大將軍錄尚書事十二月以光祿勳鄭冲為司空

高貴鄉公正元二年正月司馬師薨于許昌

二月以衛將軍司馬昭為大將軍錄尚書事

甘露元年以太尉司馬孚為太傅

九月以司徒高柔為太尉

十月以司空鄭冲為司徒尚書左僕射盧毓為司空

二年三月司空盧毓薨四月以征東大將軍諸葛誕為
司空誕不就徵反誅

三年五月大將軍司馬昭為相國封晉公固讓不受

八月以驃騎將軍王昶為司空

四年六月司空王昶薨

五年四月進大將軍司馬昭位為相國封晉公九讓乃止

陳留王景元元年六月又進大將軍司馬昭位為相國封晉公固讓乃止以尚書右僕射王觀為司空十月觀薨十二月以司隸校尉王祥為司空

四年九月高柔薨十月復命大將軍司馬昭進位相國晉公十二月以司徒鄭冲為太保

五年五月以征西將軍鄧艾為太尉鎮西將軍鍾會為司徒

咸熙元年正月司徒鍾會反於蜀太尉鄧艾亦見殺

三月以司空王祥為太尉征北將軍何曾為司徒尚書左僕射荀勗為司空八月庚寅命中撫軍司馬炎副貳相國事

二年八月辛卯相國晉王薨晉太子炎襲位總攝百揆晉武帝泰始元年十二月即皇帝位以魏太保鄭冲為

太傅太尉王祥為太保晉國丞相何曾為太尉

二年九月以太尉何曾為太保詔曰謨明弼諧王躬是保所以宣崇大訓克誠四海也侍中太尉曾立德高峻執心忠亮博物洽聞明識弘達翼佐先皇勲庸顯著朕纂洪業首相王室廸惟前人施于朕躬實佐命興化光贊政道夫三司之任雖左右王事乃若予違汝弼匡禦不逮則存乎保傅故將明衮職未如用乂厥辟之重其以曾為太保侍中如故又以司空荀覲為司徒詔曰昔

禹命九官契敷五教所以弘崇王化示人軌儀也朕祇
弘業昧于大道思訓五品以康四海侍中司空覲明允
篤誠思心通達翼亮先皇遂輔朕躬實有佐命弼道之
勲宜掌教典以隆時雍其以覲為司徒又以義陽王望
為太尉

四年正月辛未詔曰夫三司之任以翼宣皇極弼王事
者也故經國論道賴諸明哲苟非其人官不虛備尚書
令佐命光祿大夫裴秀雅量弘博思心通達先帝登庸

贊事先朝朕受明命光佐大業勲德茂著配蹤元凱宜
正位居體以康庶績其以秀為司空

五年詔曰前大司馬石苞忠允清亮才經世務幹用之
績所歷可紀掌教典以贊時政其以苞為司徒有司奏
苞前有折撓不堪其任以公還第已為弘厚不宜擢用
詔曰吳人輕脆終無能為故疆場之事但欲完固守備
使不得越逸而已以苞計畫不同慮敵過甚故徵還更
授昔鄧禹撓於關中而終輔漢室豈以一青而掩大德

哉於是就位初苞以大司馬都督揚州諸軍事淮北監軍王琛輕苞素微密表苞與吳人交通遂下詔苞以不料賊勢築壘遏水勞擾百姓策免其官以樂陵郡公還第時鄴奚官都督郭廩上奏理苞於是拜為司徒

七年十二月詔曰光祿大夫密陵侯鄭袤履行純正守道冲粹退有清和之風進有素絲之節宜登三垣之曜補衮職之闕今以袤為司空帝臨軒遣五官中郎將國坦就第拜授袤前後辭讓遣息稱上送印綬至於十數

久之見許以侯就第

八年七月以車騎將軍賈充為司空

九年五月以太保何曾領司徒

十年九月以大將軍陳騫為太尉

咸寧二年八月以太保何曾為太傅太尉陳騫為大司
馬司空賈充為太尉齊王攸為司空

四年九月以太傅何曾為太宰尚書令李胤為司徒

太康三年十二月司空齊王攸為大司馬汝南王亮為

太尉光祿大夫山濤為司徒尚書令衛瓘為司空

四年十一月以尚書左僕射魏舒為司徒

太熙元年正月以尚書左僕射王渾為司徒司空衛瓘為太保三月以右光祿大夫石鑒為司空

四月以侍中車騎將軍楊駿為太尉都督中外諸軍錄尚書事

惠帝即位初以太尉楊駿為太傅輔政以司空石鑒為太尉前鎮西將軍隴西王泰為司空

永平元年三月誅太傅楊駿徵大司馬汝南王亮為太
宰與太保衛瓘輔政

元康元年六月賈后矯詔使楚王瑋殺亮瓘以司空隴
西王泰錄尚書事

九月徵征西將軍梁王彤為衛將軍錄尚書事

六年正月以中書監張華為司空

七年九月以尚書左僕射王戎為司空

永寧元年六月以梁王彤為太宰領司徒

臣欽若等曰
自永康元年

四月至是年三月趙王倫
等篡逆所署三公不錄

太安元年五月以右光祿大夫劉寔為太傅齊王冏為
太師東海王越為司空河間王顥為太尉十二月殺齊
王冏以長沙王乂為太尉都督中外諸軍事

永興元年正月以成都王穎為丞相

三月以太尉河間王顥為太宰太傅劉寔為太尉

十二月詔司空越為太傅與太宰顥夾輔朕躬司徒王

戎參錄朝政

光熙元年八月以太傅東海王越錄尚書事驃騎將軍
范陽王虓為司空

懷帝即位初以中書監溫羨為司徒尚書左僕射王衍
為司空

永嘉元年正月以太傅東海王越輔政

十二月以前太傅劉寔為太尉

三年三月太尉劉寔請老以司徒王衍為太尉東海王
越領司徒

四年十月以驃騎將軍王浚為司空

五年五月征西大將軍南陽王模為太尉太子太傅傅
祇為司徒尚書令荀藩為司空

愍帝建興元年四月即位以衛將軍梁芬為司徒

五月以鎮東大將軍瑯琊王睿為侍中左丞相大司馬
南陽王保為右丞相

二年二月以衛將軍荀組為司空

三年二月進左丞相瑯琊王睿為大都督督中外諸軍事

右丞相南陽王保為相國司空荀組為太尉大將軍劉
琨為司空

冊府元龜卷七十一

欽定四庫全書

冊府元龜卷七十二

宋 王欽若等 撰

帝王部

命相第二

晉元帝建武元年二月以撫軍大將軍西陽王羨為太
保太尉荀組為司徒時帝即晉王位欲以組為司徒問
太常賀循循曰組舊望清重忠勤顯著遷訓五品實允
衆望於是拜之十一月以司空劉琨為太尉

太興四年七月以驃騎將軍王導為司空

永昌元年十一月以司徒荀組為太尉

明帝太寧三年閏八月遺詔以太宰西陽王羨司徒王

導輔太子

太子即成帝也

成帝即位初以司徒王導錄尚書事與中書令庾亮參

輔朝政

咸和四年三月以征西大將軍陶侃為太尉車騎將軍

郗鑒為司空

咸康四年五月以司徒王導為太傅都督中外諸軍事
司空郗鑒為太尉征西將軍庾亮為司空

六月改司徒為丞相以太傅王導為之冊曰朕夙罹不
造肆陟帝位未堪多難禍亂旁興公文貫九功武經七
德外緝四海內齊八政天地以平人神以和業同伊尹
道隆姬旦仰思唐虞登庸雋乂申命羣官允釐庶績朕
思憑高謀弘濟遠猷維稽古昔建爾于上公永為晉輔
往踐厥職敬敷道訓以亮天工不亦休哉公其戒之

五年八月復改丞相為司徒十二月以驃騎將軍瑯琊王岳為之

六年正月以左光祿大夫陸玩為司空

康帝即位諒陰不言委政于中書監庾冰

建元元年十月以驃騎將軍何充為中書監揚州刺史錄尚書事輔政以褚裒為衛將軍領中書令

穆帝永和二年二月以左光祿大夫蔡謨領司徒錄尚書六條事撫軍大將軍會稽王昱及謨並輔政

八年七月以鎮軍大將軍武陵王晞為太宰撫軍大將軍會稽王昱為司徒征西大將軍桓溫為太尉

哀帝興寧元年五月加桓溫侍中大司馬都督中外諸軍錄尚書事

廢帝太和元年十月以會稽王昱為丞相

簡文帝咸安元年十一月以大司馬桓溫為丞相

孝武帝太元元年正月以尚書僕射謝安為中書監錄尚書事

二年八月以謝安為司徒

五年六月以驃騎將軍瑯琊王道子為司徒

六年十一月以鎮東大將軍郗愔為司空

九年三月以衛將軍謝安為太保

安帝即位初以司徒會稽王道子為太傅輔政

元興二年十二月帝蒙塵于尋陽桓玄逼帝西上帝密詔以幽逼於玄萬機虛曠令武陵王遵依舊典承制總百官行事加侍中大將軍

義熙元年三月帝至自江陵以瑯琊王德文為大司馬
武陵王遵為太保鎮軍將軍劉裕為侍中車騎將軍揚
州刺史錄尚書事

十四年六月劉裕為相國封宋公

恭帝元熙元年正月以驃騎將軍劉道憐為司空

後魏道武皇始元年七月即位二年五月以東平公元
儀為驃騎大將軍都督諸軍事左丞相

天興元年四月以征虜將軍歷陽公穆崇為太尉安南

將軍鉅鹿公長孫嵩為司徒

五年十一月徵相州刺史庾岳為司空

明元泰常七年四月以泰平王燾為相國加大將軍五

月以燾輔政左丞相奚斤為左輔太尉穆觀為右弼紀傳

奚斤拜右丞相
觀拜太尉年月出則統輔朝政入則應對左右事無巨

細皆關決焉

九月以奚斤為司空行揚州刺史

太武始光二年三月以司徒北平王長孫嵩為太尉平

陽王長孫翰為司徒宜城王奚斤為司空

神麿三年七月詔大鴻臚杜超為太宰行征南大將軍
鎮鄴

四年九月以左光祿大夫崔浩為司徒征西大將軍長
孫道生為司空

太延中以侍中盧魯元為太保錄尚書事

太平真君五年正月皇太子始總百揆以侍中中書監
穆壽司徒崔浩侍中張黎古弼輔政

文成興安元年十月即位以驃騎大將軍元壽樂為太宰都督中外諸軍事錄尚書事

十二月以樂陵王周怛為太尉平原王陸麗為司徒鎮西將軍杜元寶為司空

興光元年正月以侍中伊馥為司空

太安元年十月以遼西公常英為太宰

獻文即位初以侍中車騎大將軍乙渾為太尉錄尚書事東安王劉尼為司徒尚書左僕射和其奴為司空又

以乙渾為丞相居諸王上事無大小皆決於渾

皇興元年閏正月以頓丘王李峻為太宰

二年六月以昌黎王馮熙為太傅

四年二月以東郡王陸定國為司空

孝文延興三年四月假上黨王長孫觀司空討吐谷渾

拾寅

承明元年六月征西將軍安樂王長樂為太尉尚書左
僕射南平公目辰為司徒南部尚書李訢為司空

太和元年三月徵征西大將軍雍州刺史東陽王丕為司徒

三年九月以侍中司徒東陽王丕為太尉侍中尚書右僕射陳建為司徒侍中尚書荀頹為司空

九年十二月侍中淮南王他為司空

十三年十二月以尚書令尉元為司徒左僕射穆亮為司空

十五年十二月以安定王休為太傅齊郡王簡為太保

十六年十月以特進馮誕為司徒

十八年十月以太尉東陽王丕為太傅

二十三年二月以長兼太尉咸陽王禧為正太尉中軍
大將軍彭城王勰為司徒

宣帝即位初以司徒彭城王勰總攝百揆以侍中北海
王祥為司空公鎮南將軍王肅為尚書令廣陽王嘉為
左僕射尚書宋弁為吏部尚書與侍中太尉公禧左僕
射任城王澄等六人輔政

景明元年二月復以彭城王勰為司徒

十月改授總司徒錄尚書事

二年正月以太尉咸陽王禧為太保司空北海王詳為
大將軍錄尚書事又以太保王禧領太尉大將軍廣陵
王羽為司徒

十一月以驃騎大將軍穆亮為司空大將軍北海王詳
為太傅領司徒

四年七月以彭城王勰為太師

正始元年閏十二月以驃騎大將軍高陽王雍為司空
四年九月詔曰朕秉曆承天履年將紀徙正宮極歲浹
歸餘台懿茂親祇勤已久列司英彥庸績未酬非所謂
有功見知賞以時及其以司空高陽王雍為太尉尚書
令廣陽王嘉為司空

永平二年十月以司空廣陽王嘉為司徒

延昌元年正月以車騎大將軍尚書令高肇為司徒光
祿大夫清河王懌為司空

二年二月太尉高陽王雍進位太保

孝明延昌四年正月即位詔太保高陽王雍入居西柏堂決庶政又詔任城王澄為尚書令百官總已以聽於

二王

臣欽若等曰孝明即位年六歲委政於二王也

二月太保高陽王雍進位太傅領太尉司空清河王懌為司徒驃騎大將軍廣平王懷為司空

七月司徒清河王懌進位太傅領太尉司空廣平王懷為太保領司徒驃騎大將軍任城王澄為司空

十二月以高陽王雍為太師

熙平二年四月以中書監胡國珍為司徒公

八月詔侍中太師高陽王雍入居門下參決尚書奏事
神龜二年五月以司空任城王澄為司徒驃騎大將
軍京兆王繼為司空

正光元年九月以太師高陽王雍為丞相

十月以驃騎大將軍汝南王悅為太尉公

十二月以司空京兆王繼為司徒公

二年三月以儀同劉騰為司空公

四月司徒京兆王繼進位太保車騎大將軍崔光為司徒公

三年十二月太保京兆王繼為太傅司徒崔光為太保
四年九月詔侍中太尉安南王悅入居門下與丞相高
陽王雍參尚書奏事

十二月以悅為太保

五年十二月詔太傅京兆王繼為太師

孝昌元年正月以太師京兆王繼為太尉

二年正月以太保汝南王悅領太尉

三年正月以司空公皇甫度為司徒儀同三司蕭寶寅為司空又以皇甫度為太尉

孝莊建義元年四月即位以前太尉公江陽王繼為太師北海王顥為太傅光祿大夫李延寔為太保并州刺史元天穆為太尉公侍中楊椿為司徒公車騎大將軍穆紹為司空公領尚書令

七月以大將軍爾朱榮為柱國大將軍錄尚書事

永安元年九月以爾朱榮為大丞相都督河北諸軍事
以司徒公楊椿為太保城陽王徽為司徒

十月以爾朱榮為太師

二年七月以大將軍上黨王天穆為太宰司徒公城陽
王徽為大司馬太尉公

閏七月以侍中太傅李延實為司徒

十月以前司空公丹陽王蕭贊為司徒公

十一月以司空公蕭贊為太尉公雍州刺史長孫稚為
司徒公

三年十一月以司徒公長孫稚為太尉公

前廢帝普太元年三月詔太師青州刺史魯郡王肅還
為太師車騎大將軍沛郡王欣清河王亶並太傅驃騎
大將軍尚書令爾朱世隆為太保前太尉公長孫稚為
司徒公錄尚書事稚固辭除驃騎大將軍以趙郡王諶
為司空公

四月以侍中驃騎大將軍爾朱彥伯為司徒公

後廢帝中興元年十月即位以大將軍高歡為侍中丞相都督中外諸軍事以兼侍中撫軍將軍高乾邕為侍中司空公

二年二月以丞相高歡為大丞相柱國大將軍太師出帝太昌元年四月即位高歡為大丞相大柱國大將軍太師世襲定州刺史

五月以太傅淮陽王欣為太師司徒趙郡王湛為太保

南陽王寶矩為太尉侍中太保錄尚書事長孫稚為太傅前司空高乾邕復司空侍中清河王亶為司徒

永熙二年二月以司空高乾邕為驃騎大將軍以咸陽王坦為司空公

三月以侍中太保趙郡王諶為太尉公侍中太尉公南陽王寶矩為太傅開府尚書令

七月以太師廣陵王欣為大司馬侍中以太尉公趙郡王諶為太師以前司徒公燕郡王賀拔允為太尉公

三年五月以大司馬侍中廣陵王欣為左軍大都督太
傳錄尚書事

西魏文帝大統元年正月以關西大行臺宇文泰都督
中外諸軍事大行臺錄尚書事

十四年五月進泰為太師

廢帝即位初以太師宇文泰為大冢宰總百揆

恭帝三年正月行周禮建六官以宇文泰為太師大冢
宰柱國李弼為太傅大司徒趙貴為太保大宗伯獨孤

信為大司馬于謹為大司寇侯莫陳崇為大司空

後周閔帝元年

時不建
年紀

正月以大冢宰大司馬獨

孤信為太保大宗伯中山公護為大司馬

二月以大司空侯莫陳崇為太保大司馬晉國公護為

大冢宰柱國賀蘭祥為大司馬高陽公達奚武為大司

寇

九月甲子明帝即天王位二年正月以大冢宰晉公護

為太師

高祖武帝保定元年正月以太師大冢宰晉公護為都督中外諸軍令五府總於天官

三年四月以柱國達奚武為太保

天和三年四月以太保達奚武為太傅大司馬尉遲迥為太師

建德元年三月太師大冢宰晉公護誅以太傅尉遲迥為太師柱國竇熾為太傅大司空李穆為太保齊國公憲為大冢宰

宣政元年二月大冢宰譙王儉薨以上柱國越王盛為
大冢宰

宣帝即位初以趙王招為太師陳王純為太傅

大象元年正月初置四輔官以大冢宰越王盛為大前
疑蜀國公尉遲迴為大右弼申國公李穆為大左輔隋
國公楊堅為大後丞

二月以大前疑越王盛為太保大右弼尉遲迴為大前
疑代王達為大右弼

五月越王盛代王達之國七月以大後丞楊堅為大前
疑柱國司馬消難為大後丞

八月以雍州牧畢王賢為太師上柱國韓建業為大左
輔

靜帝即位初以漢王贊為右大丞相隋國公楊堅為左
大丞相帝居諒闇百官總已以聽於左丞相又以漢王
贊為太師并州總管李穆為太傅宋王實為大前疑秦王
贇為大右弼燕國公寔為大左輔又去丞相左右之號

以隋公楊堅為大丞相又以為大冢宰五府總於
天官

隋
大定元年二月以大丞相楊堅為相國總百揆尊禪于

高祖文帝開皇元年二月即位以并州總管李穆為太
師鄧國公竇熾為太傅幽州總管于翼為太尉相國司
馬高頴為尚書左僕射兼納言相國司錄虞慶則為內
史監相國內郎李德林為內史令

三月以太子少保蘇威為納言

九年四月以晉王廣為太尉六月以荊州總管楊素為
納言

十年七月以納言楊素為內史令

仁壽元年正月以晉王昭為內史令

二年十月以工部尚書楊達為納言

煬帝大業二年六月以尚書令楊素為司徒

三年九月以戶部尚書楊文思為納言

唐高祖武德元年五月即位六月以相國長史裴寂為尚書右僕射相國司馬劉文靜為納言戶部尚書蕭瑀相國司錄竇威並為內史令

是年以將作大匠竇抗兼納言

二年正月以黃門侍郎陳叔達為納言十月以黃門侍郎楊恭仁為納言

三年三月改納言為侍中內史令為中書令以內史侍郎封德彝兼中書令

六年四月詔曰端揆之職綜理百司任望斯重勲賢攸寄尚書左僕射魏國公寂風格淹粹局量弘雅早預經綸元功特著變諧治本茂蹟以宣中書令宗國公蕭瑀志懷忠確業履冲素歷居顯要厲精理術獻納惟允周慎有聞宣穆彛章允釐庶政寂可尚書左僕射瑀可尚書右僕射又以兼中書令封德彛為中書令

九年正月詔曰槐路清肅台階重峻經邦論道變諧是屬然而表德優賢昔王令典庸勲紀績列代通規尚書

左僕射魏國公寂地胄清華風神閒悟立志溫裕局量
弘雅爰自義旗早參締構英契所感實資同德譬茲梁
棟有若鹽梅翊贊綢繆庶政惟允歷居端揆彞章緝穆
元功懋德膺茲重望可司空

六月太宗平內難立為皇太子七月以太子左庶子高
士廉為侍中右庶子房玄齡詹事宇文士及並為中書
令尚書右僕射蕭瑀為尚書左僕射中書令封德彞為
尚書右僕射

太宗貞觀元年六月以太子少保蕭瑀兼尚書左僕射
七月詔曰望隆朝右任重國鈞尚想風猷義惟賢戚吏
部尚書齊國公長孫無忌識量弘遠神情警發道炤縉
紳才資文武樽俎之策電斷風馳干戈所指雲銷霧散
幾深之理彌著忠義之節以彰斯固立德佐時降靈輔
闕宜以翼贊授之端揆可尚書右僕射

二年十二月以黃門侍郎王珪為侍中

三年二月詔曰尚書政本端揆任隆自非經國大材莫

副斯舉中書令兼太子詹事邢國公房玄齡器宇沉邃
風度弘遠譽彰遐邇道冠簪纓兵部尚書檢校侍中蔡
國公杜如晦識量清舉神彩凝映德宣內外聲溢廟堂
朕自克平宇縣締構資始叶贊經綸厥功甚茂深謀秘
略動合規矩忠議讜言事多啟沃及典司樞要綢繆宸
宸開物成務知無不為可謂神降英靈天資人傑並宜
總司衡軸光闡大猷玄齡可尚書左僕射餘如故如晦
可尚書右僕射又以尚書左丞魏徵為秘書監參預朝

政

四年二月以御史大夫溫彥博為中書令

八月詔曰端右望隆寄任尤重實資勲德朝難其選左
光祿大夫行兵部尚書代國公李靖識度宏遠才略優
贍博綜機務兼資文武誠著夷險效彰出納便蕃省闈
詳謹有聞宜緝彞倫允茲名器可尚書左僕射

七年二月以秘書兼檢校侍中魏徵為侍中

十一月詔曰論道台階實賴明哲丹青神化寄深變理

自非鹽梅是屬棟幹有歸則曠職俟能固或必備開府
儀同三司齊國公無忌器宇凝正風度峻遠才包文武
地兼賢戚誠著草昧之辰業預艱難之始功侔十亂聲
高三傑亮采銓衡庶僚有序儀刑端右彝章以穆自任
參鼎司位班槐路撫挹之美形於縉紳翼贊之規彰于
惟扆宜崇名器允副具瞻可司空所司具禮以時冊命
九年十二月以右光祿大夫蕭瑀依舊特進參預朝政
十六年六月詔曰文昌治本端副望隆朝綱所屬選衆

斯在中書令虞國公溫彥博體業貞固學藝該明器惟
瑚璉材稱棟幹任總絲綸職居近密廼心著於帷幄嘉
謀表於樽俎寄深啟沃義切鹽梅宜升禮闈允茲彝序
可尚書右僕射勲封如故又以太常卿楊師道為侍中
十二年七月詔曰司會政本執法任隆歷選攸難惟賢
是屬特進吏部尚書申州刺史上柱國申國公高士廉
器宇冲邈機神峻遠材稱棟幹望重縉紳地惟姻婭廼
誠著于疇昔業預經綸嘉庸彰於夷險出總方獄入贊

機衡獻替之情譽光八舍銓綜之美聲洽九流啟沃是
寄鹽梅斯在宜貳端右允副式瞻可尚書右僕射特進
刺史勲官封並如故

十三年十一月以侍中楊師道為中書令

十六年正月以中書侍郎岑文本專知機密

七月詔曰古先哲后咸正庶官德優者爵高功多者祿
厚是以經邦緯國必俟蕭曹之勲變理陰陽允歸鍾華
之望司空趙公無忌識量弘博風度峻遠地惟親賢才

稱梁棟締構霸業茂勲著於艱難弼成王道迺心竭于
寅亮鹽梅是寄丹青攸屬德綜璣衡聲猷具舉自升槐
鉉歲月亟移固以勒美太常書忠令甲者矣且陟中台
式典邦教可司徒

又詔曰惟天為大資四序以成功惟王建国候三台以
弘化故隆漢受命吳鄧飛聲有晉勃興荀何底績開府
儀同三司尚書左僕射太子少師上柱國梁國公房玄
齡器範忠肅識具明允才稱王佐望乃時英霸國爰始

預經綸之業，昂命惟新，贊隆平之化，誠固金石，勲勒鐘鼎，自任總庶，尹職重朝，端心力書於翼亮，劬勞積於歲序，而志在冲退，有懷止足，固陳衰疴，屢上表疏，然則變揆禮閣，職務實繁，論道槐廷，望實攸屬，宜加寵命，平茲水土，可司空。

十七年八月，以工部尚書張亮為刑部尚書，參預朝政。十八年八月，以散騎常侍劉洎為侍中，中書侍郎岑文本、馬周並為中書令。九月，以黃門侍郎褚遂良參預朝政。

十九年二月以吏部尚書楊師道為中書令

二十二年正月以司徒長孫無忌兼檢校中書令知尚書門下二省事刑部侍郎崔仁師為中書侍郎參知機務九月以黃門侍郎褚遂良為中書令

高宗即位初以禮部尚書兼太子左庶子于志寧少詹事兼尚書左丞張行成並為侍中太子右庶子兼吏部侍郎高季輔為中書令以司徒揚州大都督長孫無忌為太尉兼檢校中書令知尚書門下三省並如故又以

特進李勣為尚書左僕射同中書門下三品

永徽二年正月以黃門侍郎宇文節中書侍郎柳奭並同中書門下三品

八月以侍中于志寧為尚書左僕射侍中張行成為尚書右僕射並同中書門下三品中書令高季輔為侍中三年二月以同州刺史褚遂良為吏部尚書同中書門下三品

三月以黃門侍郎宇文節為侍中中書侍郎柳奭為中書令

四年二月以開府儀同三司李勣為司空

九月以吏部尚書褚遂良為尚書右僕射依舊知政事
十一月以禮部尚書崔敦禮為侍中

六年五月以黃門侍郎韓瑗為侍中中書侍郎來濟為
中書令

七月以侍中崔敦禮為中書令

顯慶元年三月以戶部侍郎杜正倫為黃門侍郎同中
書門下三品

二年三月以中書侍郎李義府為中書令黃門侍郎杜正倫兼度支尚書依舊同中書門下三品

八月以禮部尚書許敬宗為侍中

九月以度支尚書杜正倫為中書令

三年十一月以侍中皇太子賓客權檢校中書令許敬宗為中書令賓客如故

是月以大理卿辛茂將為侍郎

四年四月以尚書左僕射于志寧為太子太師同中書門

下三品黃門侍郎許圜師參知政事

五月兵部尚書任雅相度支尚書盧承慶並參知政事

七月普州刺史李義甫為吏部尚書同中書門下三品

龍朔二年二月改門下省為東臺中書省為西臺侍中

為左相中書令為右相以中書令許敬宗為右相散騎

常侍許圜師為左侍極檢校左相五月以左侍極許圜

師為右相

十月以西臺侍郎上官儀同東西臺二品

三年正月以司列太常伯李義甫為右相

麟德元年八月以司列太常伯劉祥道為兼右相大司
憲竇德玄兼司元太常伯檢校左相

十二月以太子右中護樂彥璋西臺侍郎孫處約同知政事
二年三月以司戎太常伯姜恪同東西臺三品

四月以左侍極陸敦信為檢校右相

乾封元年七月以大司憲劉仁軌兼右相

二年六月西臺侍郎楊武戴至德東臺侍郎李安期張

文瓘並同東西臺三品

總章二年三月以東臺侍郎郝處俊同東西臺三品

十二月依舊以左相為侍中右相為中書令東西臺為
中書門下是月太子左庶子劉仁軌同中書門下三品
上元二年八月以太子左庶子同中書門下三品劉仁
軌為左僕射依舊修國史大理同中書門下三品張文
瓘為侍中中書侍郎同中書門下三品郝處俊為中書
令吏部侍郎李敬玄為吏部尚書同中書門下三品並

依前監修國史

二年十二月以右肅機李敬玄為西臺侍郎同東西臺三品

三年三月黃門侍郎來恒中書侍郎薛元超並同中書門下三品

四月以中書侍郎李義琰中書門下三品

六月黃門侍郎高智周同中書門下三品

儀鳳元年十一月以吏部尚書李敬玄為中書令

四年四月以中書令郝處俊為侍中

調露二年四月黃門侍郎裴炎崔知溫中書侍郎王德真並同中書門下三品

永隆二年閏七月以黃門侍郎裴炎為侍中黃門侍郎崔知溫中書侍郎薛元超並為中書令

永淳元年四月黃門侍郎郭待舉兵部侍郎岑長倩中書侍郎郭正一吏部侍郎魏玄同並與中書門下同承受進止平章事高宗謂中書令崔知溫曰侍舉等歷任

尚淺且令預聞政事未可即與卿等同名稱自是外司
四品已下知政事遂以平章為名自待舉等始

十月黃門侍郎劉景先同中書門下平章事

中宗神龍元年正月自皇太子監國以司刑少卿兼相

王府司馬袁恕已為鳳閣侍郎同鳳閣鸞臺平章事

別天

時改中書門下為鳳閣鸞臺侍中為納言

是月太子即皇帝位以鳳閣侍

郎同鳳閣鸞臺平章事張柬之為夏官尚書同鳳閣鸞

臺三品鸞臺侍郎同鳳閣鸞臺平章事崔玄暉為守內史

欽定四庫全書

冊府元龜
卷七十二

二十六

又以袁恕己同鳳閣鸞臺三品左羽林將軍敬暉及右

羽林將軍桓彥範並為納言

是月詔臺閣官各並依永淳以前故事

二月以太子賓客武三思為司空同中書門下三品散

騎常侍武攸暨為司徒國子監祭酒弘文館學士祝欽

明同中書門下三品

四月以端州高要縣尉魏元忠為衛尉卿同中書門下

三品又以刑部尚書韋安石為吏部尚書太子賓客李

懷遠為右散騎常侍兵部尚書同中書門下三品唐休

景為輔國大將軍中書令崔玄暉為檢校益州都督長
史判都督事戶部尚書同中書門下三品兼檢校雍州
長史楊再思兼檢校揚州大都督長史判都督事國子
監祭酒中書門下三品祝欽明為刑部尚書並同中書
門下三品初高宗在春宮元忠等繼為左右庶子等官
故有斯授又以兵部尚書同中書門下三品張柬之為
中書令五月吏部尚書同中書門下三品韋安石檢校
同中書令兵部尚書同中書門下三品魏元忠檢校侍

欽定四庫全書

明府元鑑
卷七十二

二十七

中

六月詔尚書左僕射豆盧欽望軍國重事中書門下可
共平章又以檢校中書令韋安石為中書令檢校侍中
魏元忠為侍中檢校兵部尚書楊再思為戶部尚書兼
檢校中書令

七月太子賓客韋巨源同中書門下三品依舊西京留
守

十月侍中魏元忠為中書令檢校中書令楊再思為侍

中

二年正月吏部尚書李嶠同中書門下三品中書侍郎
于惟謙同中書門下平章事

二月刑部尚書韋巨源同中書門下三品

三月以戶部尚書蘇瓌為侍中西京留守

七月吏部尚書同中書門下三品李嶠為中書令韋巨
源為吏部尚書依舊同中書門下三品前左散騎常侍
蘇瓌以本官同中書門下三品

景龍元年九月兵部尚書宗楚客左衛將軍兼太府卿
紀處訥並同中書門下三品又以吏部侍郎蕭至忠為
黃門侍郎同中書門下三品

是月以侍中楊再思為中書令吏部尚書同中書門下
三品韋巨源太府卿同中書門下三品紀處訥並為侍
中

三年二月侍中韋巨源為左僕射同中書門下三品兵
部尚書同中書門下三品宗楚客為中書令中書侍郎

蕭至忠為侍郎太府卿韋嗣立為兵部尚書同中書門
下三品兵部侍郎趙彥昭為中書侍郎太常少卿鄭愔
為吏部侍郎及中書侍郎崔湜並同中書門下平章事
禮部尚書韋溫為太子少保同中書門下三品時政出
多門遷除甚衆無聽事可以處之時人語曰宰相無坐
處

八月以特進韋安石為侍中侍中蕭至忠為中書令
九月以吏部尚書蘇瓌為右僕射同中書門下三品

十二月以前右僕射唐休璟為太子少師同中書門下
三品

睿宗初平韋庶人以苑總監鍾紹京為中書侍郎前同
州朝邑縣尉劉幽求為中書舍人並參知機務黃門侍
郎李日知同中書門下三品又以中書侍郎鍾紹京為
中書令及即位以太常少卿薛稷為黃門侍郎參知機
務許州刺史姚元之為兵部尚書同中書門下三品兵
部尚書韋嗣立為中書令以兵部侍郎兼知雍州長史

崔日用為黃門侍郎參知機務雒州長史宋璟為檢校
吏部尚書同中書門下三品

景雲二年正月太僕卿郭元振中書侍郎張說並同門
下中書平章事

四月以侍中韋安石為中書令黃門侍郎李日知為侍
中

五月以殿中監竇懷貞為左臺御史大夫同中書門下平
章事九月遷侍中

十月以吏部尚書劉幽求為侍中右散騎常侍魏知古同中書門下三品太子詹事崔湜為中書侍郎同中書門下平章事中書侍郎陸象先同中書門下平章事

太極元年正月以戶部尚書岑羲左臺御史大夫竇懷貞並同中書門下三品六月羲遷侍中七月懷貞遷尚書右僕射平章事軍國重事

先天元年八月以右散騎常侍中書門下三品魏知古為侍中中書侍郎同中書門下平章事崔湜為中書令

二年正月以吏部尚書兼太子右諭德蕭至忠為中書令

玄宗先天二年七月既誅太平公主是月制曰殷命百工傅膺審象漢推三傑良屬運籌不有斯人孰賚予弼尚書左丞張說居正含道體直理精朕昔在承華首延博望談經之際欽若讜言揮翰之門潤色鴻業屢陳規益見嫉姦回頃雖抗迹疎遠而乃懷饑渴今羣兇已服大猷伊始永言亮采光朕側席之期俾茲啟沃咸服濟

川之望宜參鼎鉉式綜絲綸可中書令

八月以封州流人劉幽求忠而獲罪乃下制曰劉幽求風雲玄感川嶽粹靈學綜九流文窮三變茂勲立艱難之際嘉謨盈啟沃之功在讜直以不回為姦邪之所忌釁萌頗露譖端竊發元宰見逐讒人孔多既殄羣兇方宣大化期間政於經史載登賢於卜夢可守尚書右僕射知軍國大事徐國公實封並復舊

十月畋于渭川以同知刺史姚元之入為宰輔制曰王

佐之重師兵之任旁求梗幹膺此具瞻姚元之宏略冠
時偉才生代識精鑒遠正辭強學有忠臣之操得賢相
之風宜踐台衡規益斯在頃居藩郡循良是屬載懷一
德分命六官許謨允歸文武兼濟式憑帷幄之算宜副
韜鈴之委可兵部尚書同中書門下三品十二月改元
開元改中書為紫微門下為黃門侍中為監左右僕射
為左右丞相以兵部尚書同紫微黃門三品姚元宗兼
紫微令以尚書左僕射兼侍中劉幽求為尚書左丞相

兼黃門監正官名也是月制曰宰輔之任謨猷是屬不
有大材孰堪景化黃門侍郎盧懷慎貞良純懿孝悌仁
厚度量深於江海堅清邁於冰雪事皆體大詎觀非聖
之書心必在公雅契惟賢之典故能危言正色直道匪
躬比之微管求而得說宜寵瑣闈參乎鼎座可同黜微
黃門平章事

開元二年正月制曰古稱納言亦號常伯厥命惟允朕
之股肱俾乂成績聿歸良輔黃門侍郎同黜微黃門平

章事盧懷慎氣實溫厚生於薊北年始英妙出相山東
王佐所期人師攸屬考彼揚歷外內獻替許國忘身立
朝正色有仲山甫之節成管夷吾之能故其道彌尊其
心益下可以輔我王度弼于朕躬用增輝於侍帷宜拜
寵於參華可黃門監

四年十一月制曰軒夢三相舜舉八元咸佇人傑以宣
邦政尚書左丞上柱國安陽縣開國男源乾曜雅文強
學達識周材貞白可以勵時道義可以引物虛懷同於

抱月懸鏡不疲利器比屋成風荆鍾無滯固可光左曹
之駁議翼中禁之謀猷用參金鉉之司兼踐玉臺之副
可黃門侍郎同叅微黃門平章事勲封如故

閏十二月制曰虞廷稱盛任於夔龍周邦以寧屬於閔
散是知出納惟允必俟竒英啟沃以光實資茂彥銀青
光祿大夫守刑部尚書上柱國廣平郡開國公宋璟器
宇凝峻執心勤直銀青光祿大夫行叅微侍郎兼知制
誥上柱國許國公蘇頲風簡詳密藻思清華或掌憲南

宮持平邦典或代言西掖翊輔政途咸竭奉上之心俱
盡匪躬之節九流俟其澄序衆務資其弼諧宜委銓管
兼侍帷幄璟可守吏部尚書兼黃門監頊可同執微黃
門平章事散官勲封各如故

五年九月改執微黃門依舊為中書門下

八年正月以京兆尹源乾曜為黃門侍郎并州大都督
府長史張嘉貞為中書侍郎並同中書門下平章事五
月乾曜為侍中嘉貞為中書令

九年九月制曰乾坤以陰陽化成后王以輔弼興理所
以寅亮天極緝熙帝圖非夫大賢孰寄斯任天兵軍節
度大使右羽林將軍兼并州長史攝御史大夫燕國公
兼修國史張說挺其公才生我王國體文武之道則出
將入相盡終身之節亦前疑後丞諒可以弘此大猷總
其邦政允釐庶績保乂皇家可守兵部尚書同中書門
下三品勲封修國史如故仍即馳驛赴京

十一年四月制曰晉稱內史以司號令漢曰尚書是主

喉舌周平郡國以佐王教兵部尚書兼中書令張說履
道體政經德立言吏部尚書王峻忠肅剛簡博聞宏識
並才苞王佐望重時英內訓五品外清九服嘉謀必盡
庶績允康宜參五臣之命以正三台之象說可中書令
峻可兵部尚書同中書門下三品

十四年四月以戶部侍郎李元紘同中書門下平章事
十六年十一月以河西節度使判涼州蕭嵩為兵部尚
書同中書門下平章事

十七年六月以戶部侍郎宇文融為黃門侍郎兵部侍郎裴光庭為中書侍郎並同中書門下平章事

二十一年三月制曰思致雍熙聿求良輔久勤夢寐近在周行尚書左丞韓休蘊道弘深秉德經遠清誠可以軌物素行可以律人一自登朝備聞體國志存公亮誠合始終而羽翼朕躬金玉王度人望是在朝選無踰宜拜命於瑣闥俾兼和於鼎寶可守黃門侍郎同中書門下平章事

十二月制曰風雲之感必生王佐廟廊之任爰在柱臣
京兆尹裴耀卿含元精之休體度弘遠前中書侍郎張
九齡挺生人之秀器識通明并風望素高人倫是仰以
叶彼寅亮當滋啟沃幹時待士既資鼎寶之和為國急
賢實唯金華之事耀卿可黃門侍郎九齡可起復中書
侍郎並同中書門下平章事

二十二年五月以黃門侍郎李林甫為禮部尚書同中
書門下三品

二十四年十一月殿中監牛仙客為工部尚書同中書門下三品

天寶元年二月改侍中為左相中書令為右相黃門侍郎為門下侍郎尚書左右丞相依舊為左右僕射

八月以刑部尚書兼御史大夫李適之為左丞

五載四月門下侍郎陳希烈同中書門下平章事

六載二月希烈遷左相

十一載十一月制曰先王立政必惟擇賢所以時亮天

功叶修人紀總茲三事是屬中書審于百工僉曰亞相
銀青光祿大夫御史大夫判度支事權知太府卿兼蜀
郡長史持節劍南節度使度支營田等副大使本道兼
山南西道採訪處置使兩京太府司農出納監倉祠祭
木炭宮市長春九成宮使關內道及京畿採訪處置使
上柱國弘農縣開國伯楊國忠純粹精明懸解虛受比
之管樂文多體要之詞擬于邴魏武有韜鈴之學直方
其道簡易成能往自星郎爰秉天憲軍國大政弘益滋

多則造膝沃心已期王佐彌綸經濟同致雍熙况南臺
冢宰尤思藻鑒西垣鼎座深佇變和會予宿心升爾為
相宜兼密啟式總如綸可守右相兼吏部尚書集賢殿
學士修國史崇玄館大學士太清太微宮使仍判度支
及蜀郡大都督府長史劍南節度度支營田副大使本
道兼山南西道採訪處置使兩京出納勾當租庸鑄錢
等使並如故

十三載八月以吏部侍郎韋見素為武部尚書同中書

門下平章事

十五載六月玄宗幸蜀次河池郡劍南留後司勳郎中
崔圓奏西川歲稔民安儲供無缺授圓中書侍郎同中
書門下平章事

七月至普安郡憲部侍郎房瑄從及乘輿見于郡舍與
語甚悅即日拜瑄吏部尚書同中書門下平章事是日
車駕至巴西郡太守崔渙迎謁即日拜門下侍郎中書
門下平章事以武部尚書同中書門下平章事韋見素

為左相

初崔渙為司門員外郎揚國忠出不附己者渙以例遷副南刺史至是抗詞忠懇皆究理體

宗嘉之以
為得渙晚

冊府元龜卷七十二